



# Udruženje Poduzetnika Velika Kladuša

Broj:20/26

Datum: 27.01.2026

RTVFBiH – Federalna TV  
Radio-televizija Unsko-sanskog  
kantona

**PREDMET: Obavještenje o stupanju na protest poduzetnika Velika Kladuša u cilju zastavljanja trenutnih neustavnih blokada granica , dostavlja se –**

**Poštovani,**

Ovim putem vas **službeno obavještavamo** o ozbiljnim posljedicama koje **trenutne blokade graničnih prelaza u Bosni i Hercegovini od strane prijevoznika** imaju po privredne subjekte, izvoz robe i izvršavanje ugovornih obaveza.

Navedenim blokadama privrednicima se onemogućava redovno poslovanje, što dovodi do velikih finansijskih gubitaka, ugrožavanja egzistencije zaposlenih i narušavanja pravne sigurnosti.

Posebno ističemo da ovakvo stanje predstavlja **povredu Ustava Federacije Bosne i Hercegovine – člana II.A**, kojim se Federacija obavezuje da osigura najviši nivo međunarodno priznatih ljudskih prava i osnovnih sloboda, uključujući pravo na rad.

**Ustav Federacije BiH, putem Aneksa koji preuzima međunarodne konvencije, garantuje pravo svakom licu da slobodno radi i privređuje, dok se trenutnim blokadama onemogućava izvoz robe, izvršenje ugovornih obaveza i ostvarivanje osnovnog prava na rad i egzistenciju velikog broja privrednih subjekata i njihovih zaposlenika.**

Iako razumijemo pravo prijevoznika da izraze nezadovoljstvo, smatramo da **blokade graničnih prelaza predstavljaju neustavan i nezakonit vid djelovanja**, kojim se prava jedne grupe ostvaruju na štetu prava drugih.

Također naglašavamo da je **Ministarstvo unutrašnjih poslova USK, svojim nepostupanjem, doprinijelo održavanju ovakvog stanja**, čime su omogućene kontinuirane povrede ustavnih prava privrednih subjekata.

Ovim putem **dajemo rok od 24 sata** za prestanak stanja koje onemogućava normalno odvijanje privrednih aktivnosti.



## Udruženje Poduzetnika Velika Kladuša

Ukoliko se blokade ne uklone u navedenom roku, **obavještavamo vas da će poduzetnici stupiti u proteste**, u skladu sa važećim zakonskim propisima, radi zaštite svog ustavnog prava na rad, slobodu kretanja i slobodu privređivanja te egzistenciju zaposlenih.

Ovo obavještenje dostavlja se radi upoznavanja nadležnog organa sa razlozima i okolnostima koje su dovele do donošenja navedene odluke.

**S poštovanjem!**

Dostavljeno:

- Naslovu,
- a/a.

**Predsjednik Udruženja**

Nedžad Mezildžić

